



O'ZBEKISTON RESPUBLIKASI SUV XO'JALIGI VAZIRLIGI HAY'AT QARORI

2023-yil “7” aprel

№ 4/1

Ўзбекистон Республикаси Сув хўжалиги вазири ўринбосарларининг 2023 йилнинг I чорагида фаолияти самарадорлиги ҳамда мақсадли вазифаларга эришилишининг асосий мезонлари бўйича амалга оширилган ишларни баҳолаш тўғрисида

Вазирлик хайъат йиғилиши таъкидлайдики, Ўзбекистон Республикаси Сув хўжалиги вазири ўринбосарлари томонидан вазирликнинг 2023 йил 5 январдаги “Ўзбекистон Республикаси Сув хўжалиги вазири ўринбосарларининг 2022 йилнинг IV чорагида фаолияти самарадорлиги ҳамда мақсадли вазифаларга эришилишининг асосий мезонлари бўйича амалга оширилган ишларни баҳолаш ҳамда 2023 йил учун фаолияти самарадорлиги режа кўрсаткичларини тасдиқлаш тўғрисида”ги 1/1-сонли хайъат қарори билан жорий этилган Сув хўжалиги вазири ўринбосарларининг фаолияти самарадорлигини ҳамда мақсадли вазифаларга эришишларини баҳолашнинг асосий мезонларига мувофиқ жорий йилнинг I чорагида муайян ишлар амалга оширилган. Жумладан:

Вазирнинг биринчи ўринбосари А.Назаров томонидан фаолият самарадорлигини баҳолаш тизимида белгиланган 12 та асосий мезонларнинг режа кўрсаткичларига эришишни таъминлаш юзасидан тизимли ишлар амалга оширилиши натижасида 1,5 млрд.м3 сув тежалган, 1 та йирик сув хўжалиги иншоотининг назорат-ўлчаш ускунаси ҳамда хабар бериш тизими модернизация қилинган, 1 987 км канал тозаланган, 2 125 та гидротехник иншоотлар ва 2 026 та гидropостлар таъмирланган, насос станцияларининг электр энергияси истеъмоли 0,026 млрд.кВт.соатга камайтирилган, 22 та насос агрегатлари алмаштирилган, 18 та насос станцияларнинг биноларига куёш батареялари ўрнатилган, 2 та давлат-хусусий шериклик лойиҳалари амалга оширилган, сув хўжалиги объектларига 35 та “Smart Water” қурилмаси ўрнатилган, 90 нафар ходимнинг малакаси оширилган, сув хўжалигининг махсус хизматларига 161 нафар олий маълумотли раҳбар ходимлар жалб қилинган бўлиб, улар томонидан сув истеъмолчиларга етказиб берилган сув тўғрисида 214 083 та далолатномалар расмийлаштирилган ва сув хўжалиги хизматлари кўрсатиш бўйича 71 361 та шартномалар тузилган ҳамда “Ijro.gov.uz” тизимидаги мавжуд 56 та топшириқ белгиланган муддатда назоратдан чиқарилиши таъминланган.

Амалга оширилган баҳолаш рейтинги натижасига кўра, фаолиятнинг умумий самарадорлик кўрсаткичи 88,7 фоизни таъкил этган.

Вазир ўринбосари Д.Ходжахмедов томонидан фаолият самарадорлигини баҳолаш тизимида белгиланган 8 та асосий мезонларнинг режа кўрсаткичлари бажарилишини таъминлаш мақсадида сув таъминоти даражаси паст бўлган суғориладиган ер майдонлари 458 минг гектарга камайтирилган, ирригация тизимини модернизация қилиниши натижасида бетон қопламали каналлар улуши 10 620 км га

етказилган, 68,2 км канал ва 33,7 км коллектор куриш ва реконструкция қилиш ишлари ташкил қилинган, жорий йилда қурилиш манзилли рўйхатига киритилган мелиорация объектларини таъмирлаш-тиклаш бўйича жами 41 млрд. сўм маблағлар ўзлаштирилган, 3 140 км мелиорация тармоқлари тизимли таъмирланган ва тикланган, 209 дона мелиоратив кузатув кудукларига “Diver” қурилмалари ўрнатилган 1 та илмий-тадқиқот ишланмалари ишлаб чиқилган ҳамда “Ijro.gov.uz” тизимидаги мавжуд 30 та топшириқ белгиланган муддатда назоратдан чиқарилиши таъминланган.

Амалга оширилган баҳолаш рейтинги натижасига кўра, *фаолиятнинг умумий самарадорлик кўрсаткичи 89,9 фоизни ташкил этган.*

Вазир ўринбосари Б.Камалов томонидан фаолият самарадорлигини баҳолаш тизимида белгиланган 8 та асосий мезонларнинг режа кўрсаткичлари бажарилишини таъминлаш мақсадида сув хўжалиги тизим ташкилотларига ажратилган бюджет маблағлари 0,38 фоиз (5,5 млрд.сўм)га камайтирилган, сув хўжалиги тизимидаги ходимларнинг ўртача ойлик иш ҳақи республикадаги ўртача ойлик иш ҳақининг 82,8 фоизи (2,9 млн.сўм)га етказилган, тизим ташкилотларининг ривожлантириш жамғармаларига 5 млрд.сўм туширилган, 2 та давлат-хусусий шериклик лойиҳалари амалга оширилган, сув хўжалиги объектларига 35 та “Smart Water” қурилмаси ўрнатилган, илмий-тадқиқот, тажриба-конструкторлик ишларига 2 млрд.сўм йўналтирилган, насос станцияларнинг электр энергия истеъмоли харажатлари учун 284,08 млрд. сўм маблағ молиялаштирилган ҳамда “Ijro.gov.uz” тизимидаги мавжуд 12 та топшириқ белгиланган муддатда назоратдан чиқарилиши таъминланган.

Амалга оширилган баҳолаш рейтинги натижасига кўра, *фаолиятнинг умумий самарадорлик кўрсаткичи 89,6 фоизни ташкил этган.*

Вазир ўринбосари Р.Қаршиев томонидан фаолият самарадорлигини баҳолаш тизимида белгиланган 11 та асосий мезонларнинг режа кўрсаткичларига эришиш бўйича 33 053 гектар майдонда сувни тежайдиган технологиялар жорий қилинган, 6 та томчилатиб суғориш тизимини қуриш бўйича намунавий лойиҳалар ишлаб чиқилган, 100 та суғориш тизимларини монтаж қилиш ва сервис хизмат кўрсатиш гуруҳлари ташкил этилган, “Tomchi-reestr” ягона электрон реестридаги 4 та пудрат корхоналарининг индикатор кўрсаткичлари таҳлил қилинган ва мобил иловага жойлаштирилган, сувни тежайдиган инновацион суғориш технологияларини жорий қилиш юзасидан кадрлар малакасини ошириш бўйича сайёр ўқув курси ташкил этилган, 3 та илмий-тадқиқот, тажриба-конструкторлик ишларини амалга ошириш ҳамда илмий асосланган услубий қўлланма ва тавсиялар ишлаб чиқилган 30 та оммавий-ахборот воситалари ва ижтимоий тармоқларда маълумотлар жойлаштирилган ҳамда “Ijro.gov.uz” тизимидаги мавжуд 7 та топшириқ белгиланган муддатда назоратдан чиқарилиши натижасида баҳолаш рейтинги кўрсаткичларига кўра, *фаолиятнинг умумий самарадорлик кўрсаткичи 80,8 фоизни ташкил этган.*

Юқоридагилардан келиб чиқиб, Ўзбекистон Республикаси Президентининг 2021 йил 22 июлдаги ПҚ-5189-сонли қарори, Вазирлар Маҳкамасининг 2021 йил 28 июлдаги 467-сонли қарорига мувофиқ, Сув хўжалиги вазири ўринбосарлари томонидан жорий йилнинг I чорагида фаолияти самарадорлиги ҳамда мақсадли вазифаларга эришилишининг асосий мезонлари ижросини таъминлаш бўйича амалга оширилган ишларини танқидий таҳлил ва муҳокама қилиб чиқиб, фаолият самарадорлиги ҳамда мақсадли вазифаларга эришилиши бўйича уларнинг шахсий масъулияти ва жавобгарлигини кучайтириш мақсадида ҳайъат йиғилиши

Қарор қилади:

1. Сув хўжалиги вазирининг биринчи ўринбосари А.Назаров, вазир ўринбосарлари Д.Ходжахмедов, Б.Камалов ва Р.Қаршиевларнинг 2023 йил учун фаолият самарадорлиги ҳамда мақсадли вазифаларга эришилишининг асосий мезонларининг 2023 йил I чораги режа кўрсаткичлари бажарилишини таъминлаш бўйича ҳисоботлари **маълумот ва ижро учун қабул қилинсин.**

2. Вазирнинг биринчи ўринбосари А.Назаров ҳамда вазир ўринбосарлари Д.Ходжахмедов, Б.Камалов ва Р.Қаршиевларга 2023 йилнинг I чораги давомида Ўзбекистон Республикаси Президенти ҳужжатлари ва топшириқлари бажарилишининг назоратини юритувчи “Ijro.gov.uz” ижро интизоми идоралараро ягона электрон тизимидаги назоратда бўлган ҳужжатлар ижроси бўйича талабчанликни сусайтириб юборилганлиги кўрсатиб ўтилсин.

3. Ўзбекистон Республикаси Президентининг 2021 йил 22 июлдаги ПҚ-5189-сон қарори билан тасдиқланган “Вазирликлар, давлат қўмиталари, давлат бошқарувининг бошқа органлари ва хўжалик бирлашмалари раҳбарлари ўринбосарларининг фаолияти кўрсаткичларини ишлаб чиқиш, мониторинг қилиш ва самарадорлигини баҳолаш тартиби тўғрисида”ги Низомнинг 8 ва 9-бандлари талабларига мувофиқ амалга оширилган баҳолаш рейтинги натижаларига кўра 2023 йил I чораги якунлари бўйича:

Вазирнинг биринчи ўринбосари А.Назаровнинг фаолияти самарадорлиги ҳамда мақсадли вазифаларга эришишни баҳолаш 12 та асосий мезонларда белгиланган режа кўрсаткичларининг бажарилиши бўйича умумий самарадорлик кўрсаткичи 88,7 фоизни;

Вазир ўринбосари Д.Ходжахмедовнинг фаолияти самарадорлиги ҳамда мақсадли вазифаларга эришишни баҳолаш 8 та асосий мезонларда белгиланган режа кўрсаткичларининг бажарилиши бўйича умумий самарадорлик кўрсаткичи 89,9 фоизни;

Вазир ўринбосари Б.Камаловнинг фаолияти самарадорлиги ҳамда мақсадли вазифаларга эришишни баҳолаш 8 та асосий мезонларда белгиланган режа кўрсаткичларининг ижроси бўйича умумий самарадорлик кўрсаткичи 89,6 фоизни;

Вазир ўринбосари Р.Қаршиевнинг фаолияти самарадорлиги ҳамда мақсадли вазифаларга эришишни баҳолаш 11 та асосий мезонларда белгиланган режа кўрсаткичларининг ижроси бўйича умумий самарадорлик кўрсаткичи 80,8 фоизни ташкил этганлиги инобатга олинсин.

Вазирнинг биринчи ўринбосари А.Назаров ҳамда вазир ўринбосарлари Д.Ходжахмедов, Б.Камалов ва Р.Қаршиевларнинг фаолият кўрсаткичлари **“қониқарли”** деб баҳолансин.

4. Сув хўжалиги вазирининг биринчи ўринбосари А.Назаров, вазир ўринбосарлари Д.Ходжахмедов, Б.Камалов ва Р.Қаршиевлар:

2023 йил учун фаолияти самарадорлигини ҳамда мақсадли вазифаларга эришилишининг асосий мезонларининг жорий йил II чораги режа кўрсаткичлари ижросини таъминлаш чораларини кўрсин;

белгилансинки, ҳисобот даврида фаолият самарадорлиги ҳамда мақсадли вазифаларга эришилишининг асосий мезонлари режа кўрсаткичларини баҳолаш рейтинги натижаларига кўра, фаолият самарадорлиги қониқарсиз деб топилган тақдирда вазир ўринбосарининг масъулияти юзасидан Вазирлар Маҳкамасига таклиф киритилиши тўғрисида огоҳлантирилсин.

5. Сув хўжалиги вазирининг биринчи ўринбосари А.Назаров, вазир ўринбосарлари Д.Ходжихмедов, Б.Камалов ва Р.Қаршиев, Ташкилий-назорат ва таҳлил бошқармаси бошлиғи М.Ибрагимовга:

2023 йил учун тасдиқланган фаолият самарадорлиги ҳамда мақсадли вазифаларга эришилишининг асосий мезонлари режа кўрсаткичларининг ҳисобот даври (чорақлик) якуни бўйича натижаларни (маълумот ва таҳлилий материалларни) **ҳар чорақ якуни бўйича, кейинги ойнинг 3 санасига қадар** ҳайъат йиғилиши муҳокамасига киритиб борилишини таъминлаш;

ҳар чорақ якуни бўйича кейинги ойнинг 5 санасига қадар вазирлик ҳайъат йиғилишида вазир ўринбосарларининг фаолият самарадорлиги кўрсаткичларининг натижалари бўйича таҳлилий маълумотларни Ўзбекистон Республикаси Вазирлар Маҳкамасига киритиш вазифаси юклатилсин.

6. Ташкилий-назорат ва таҳлил бошқармаси (М.Ибрагимов) ҳамда Инсон ресурсларини ривожлантириш ва бошқариш бўлими (Х.Лапасов) икки кун муддатда вазир ўринбосарларининг 2023 йил I чораги фаолияти самарадорлигини баҳолаш натижалари тўғрисидаги умумлаштирилган маълумотларни Ўзбекистон Республикаси Вазирлар Маҳкамасига тақдим этилишини таъминласин.

7. Ахборот хизмати (Ш.Суюнов) Ўзбекистон Республикаси Сув хўжалиги вазири ўринбосарларининг 2023 йилнинг I чораги фаолияти самарадорлиги ҳамда мақсадли вазифаларга эришилишининг асосий мезонлари бўйича амалга оширилган ишлар тўғрисида **икки кун муддат ичида** оммавий ахборот воситалари, шу жумладан, теле ва радиоканаллар орқали ахборот берилишини таъминласин.

8. Мазкур қарорнинг ижросини назорат қилишни ўз зиммамда қолдираман.

Ҳайъат раиси



Ш. Хамраев